

Na osnovu člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj 104/22), a u skladu sa Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima, broj: 11-07/01-11-1134-1/23 od dana 25.04.2023. godine i izmjene Smjernica Ministarstva za odgoj i obrazovanje KS u vezi sa donošenjem akta o vlastitim javnim prihodima broj: 11-07/01-11-1134-2/23 od 11.5.2023.godine, Školski odbor na 25. sjednici održanoj dana **24.8.2023. godine** **donosi:**

P R A V I L N I K
O VLASTITIM JAVNIM PRIHODIMA
JAVNE USTANOVE „SEDMA OSNOVNA ŠKOLA“ ILIDŽA

I OPĆE ODREDBE

Član 1.
(Predmet pravilnika)

- (1) Ovim Pravilnikom utvrđuju se vrste vlastitih javnih prihoda, pravni osnov ostvarivanja, te namjenu i način trošenja vlastitih javnih prihoda JU „Sedma osnovna škola“ Ilidža (u daljem tekstu: Škola).
- (2) Pravilnik o vlastitim javnim prihodima JU „Sedma osnovna škola“ Ilidža (u daljem tekstu: Pravilnik) se donosi u skladu sa članom 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22), Smjernica Ministarstva za odgoj i obrazovanje KS u vezi donošenja akta o vlastitim javnim prihodima, broj: 11-07/01-11-1134-1/23 od 25.04.2023. godine i izmjene Smjernica Ministarstva za odgoj i obrazovanje KS u vezi sa donošenjem akta o vlastitim javnim prihodima broj: 11-07/01-11-1134-2/23 od 11.5.2023.godine.

Član 2.
(Pojam vlastitih javnih prihoda)

- (1) Vlastiti javni prihodi koje ostvari Škola su javni prihodi Budžeta Kantona Sarajevo, a raspoređuju se u skladu sa Smjernicama navedenim u članu 1. stav (2) ovog Pravilnika.
- (2) Pod vlastitim javnim prihodima u smislu ovog Pravilnika podrazumijevaju se prihodi koje Škola ostvaruje obavljanjem osnovne djelatnosti i ostalih poslova na tržištu.
- (3) Pod vlastitim prihodima Škole se podrazumijevaju svi ostvareni javni prihodi koji ispunjavaju kriterij za utvrđivanje javnih prihoda definisanih članom 4. stav (1) i (3) Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj: 104/22).

Član 3.
(Pravni osnov ostvarivanja vlastitih javnih prihoda)

Pravni osnov za ostvarivanje vlastitih javnih prihoda je:

- a) Zakon o osnovnom odgoju i obrazovanju.

Član 4.
(Način uplate vlastitih javnih prihoda)

- (1) Uplata i evidentiranje vlastitih javnih prihoda vrši se u skladu sa Pravilnikom o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22) i Uputstvom o izvršavanju budžeta sa Jedinstvenog računa Trezora („Službene novine Federacije BiH“, broj 34/16).
- (2) Prihodi se uplaćuju na depozitni račun Budžeta Kantona Sarajevo, a mogu naplaćivati i u gotovini.
- (3) Škola je dužna vlastite javne prihode ostvarene gotovinskim plaćanjem uplatiti na depozitni račun najkasnije sljedećeg radnog dana od dana naplate istih.

II STICANJE VLASTITIH JAVNIH PRIHODA

(Vrste vlastitih javnih prihoda)

Pod vlastitim javnim приходima u smislu ovog Pravilnika podrazumjevaju se prihodi koje Škola ostvari od:

- a) izdavanja opreme i prostora u zakup
- b) prodaje otpadnog materijala,
- c) reklamno-propagandnih usluga,
- d) realizacije pedagoško-metodičke prakse studenata (hospitovanje),
- e) ustupanja tenderske dokumentacije u postupku javnih nabavki i
- f) kopiranja i uvezivanja pisanog materijala.

Član 6. (Naknada za realizaciju usluga)

Naknade za realizaciju usluga iz člana 5. ovog Pravilnika utvrđuju se kako slijedi:

- a) izdavanja opreme i prostora u zakup:
 - izdavanje opreme i prostora u zakup, kao i visinu naknade za zakupninu utvrđuje školski odbor, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.
- b) visinu naknada za ostale usluge koje realizuje škola navedenih u članu 5. u tačkama b), c), d), e) i f), utvrđuje školski odbor.

III RASPODJELA VLASTITIH JAVNIH PRIHODA

Član 7. (Planiranje i raspolaganje vlastitim javnim приходima)

- (1) Ostvareni vlastiti javni prihodi, u cijelosti se raspoređuju Školi.
- (2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.
- (3) Vlastite prihode iz člana 5. ovog Pravilnika, Škola će koristiti za pokriće izdataka nastalih obavljanjem tih poslova, a ostatak za tekuće i kapitalne izdatke.
- (4) Vlastiti prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

Član 8. (Način raspodjele ostvarenih vlastitih javnih prihoda)

Ostvareni vlastiti prihodi se raspoređuju shodno ovom Pravilniku kako slijedi:

- a) prihodi koje budžetski korisnik ostvari po osnovu reklamno-propagandnih usluga, izdavanja opreme i prostora u zakup, ustupanja tenderske dokumentacije, kopiranja i uvezivanja pisanog materijala raspoređuju se na sljedeći način:
 - 70% za materijalne troškove, tekuće održavanje i nabavku opreme i ostale namjene i
 - 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

Procenti koji se odnose na ukupna sredstva ostvarena po svakom osnovu u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznos).

- b) prihodi koje budžetski korisnik ostvari po osnovu prodaje otpadnog materijala raspoređuju se na sljedeći način:
 - 20% za materijalne troškove, tekuće održavanje i nabavku opreme i
 - 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i

ostale namjene.

IV PRAĆENJE NAPLATE I RASPOREĐIVANJE VLASTITIH JAVNIH PRIHODA

Član 9. (Praćenje naplate i pravovremenost raspoređivanja vlastitih prihoda)

- (1) Škola je dužna da redovno prati, putem izvještaja koji dobije od Ministarstva finansija, dospelost i naplatu vlastitih javnih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun, putem računovodstvene službe škole ili pravnog lica koje za Školu obavlja poslove računovodstva.
- (3) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V KONTROLA UTROŠKA VLASTITIH PRIHODA

Član 10. (Izvještaj o utrošku)

Škola je dužna najmanje jedanput u 6 (šest) mjeseci Ministarstvu za odgoj i obrazovanje KS dostaviti Izvještaj o ostvarivanju i utrošku vlastitih javnih prihoda.

VI ZAVRŠNE I PRIJELAZNE ODREDBE

Član 11. (Izmjene i dopune)

Izmjene i dopune ovog Pravilnika vrše se na način i po postupku predviđenom za njegovo donošenje.

Član 12. (Stupanje na snagu)

Ovaj Pravilnik stupa na snagu danom davanja saglasnosti od strane Vlade Kantona Sarajevo i objavit će se na oglasnoj ploči škole i web stranici škole.

Broj: 1395/23

Datum: 24.8.2023. godine

Predsjednica Školskog odbora

Emina Maluhija



11
12924
PR.4
K2

Bosnia and Herzegovina
Federation of Bosnia and Herzegovina
CANTON SARAJEVO
Government

JU „SEDMA OSNOVNA ŠKOLA“
ILIDŽA
Broj: 2181/23
Datum, 4.12.2023. god

Broj: 02-04-49354-4/23
Sarajevo, 16.11.2023. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj: 104/22) Vlada Kantona Sarajevo, na **Prvoj vanrednoj** sjednici održanoj **16.11.2023.** godine, donijela je

O D L U K U
O DAVANJU SAGLASNOSTI NA PRAVILNIK O VLASTITIM JAVNIM PRIHODIMA
JAVNE USTANOVE „SEDMA OSNOVNA ŠKOLA“ ILIDŽA

I

Daje se saglasnost na Pravilnik o vlastitim javnim приходима Javne ustanove „Sedma osnovna škola“ Ilidža, broj: 1395/23 od 24.08.2023. godine.

II

Ova odluka stupa na snagu danom donošenja, a objavit će se u „Službenim novinama Kantona Sarajevo“.

PREMIJER



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
6. Javna ustanova „Sedma osnovna škola“ Ilidža (putem Ministarstva za odgoj i obrazovanje Kantona Sarajevo),
7. Za objavu u „Službenim novinama Kantona Sarajevo“,
8. Evidencija,
9. Arhiva.